

影印
文淵閣

四庫全書

影印

文淵閣四庫全書

第一三六二冊

北京出版集團公司
北京出版社

圖書在版編目(CIP)數據

影印文淵閣四庫全書 / (清)紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字(2012)第059042號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清)紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

詩家鼎鑪
十先生奧論註

宋 不著編人……………一

不著編人……………二七

前集 後集 續集

兩宋名賢小集(二)
總目

舊題 宋 陳思編……………三三七
元 陳世隆補

欽定四庫全書

集部
詩家鼎鑪卷下

詳校官中書_臣翟 照

助教_臣常循覆勘

總校官降調編修_臣倉聖脉

校對官主事_臣陳 墉

謄錄監生_臣施 華

欽定四庫全書

集部八

詩家鼎鑪

總集類

提要

_臣等謹案詩家鼎鑪二卷不著選輯人姓名
卷首有小序署曰倦叟亦無姓氏案倦圃為
曹溶別號此序當即溶所題其書乃宋末人
所錄南渡諸家之詩上卷五十八人下卷三
十七人每人各著其里居字號為例不一所
存詩多者十餘首少者僅一二首蓋取嘗鼎
一臠之意故以為名方回瀛奎律髓稱慶元
嘉定以來有詩人為謁客者錢唐湖山什伯
為羣阮梅峰秀實林可山洪孫花翁李蕃萬
菊磎九萬往往雌黃士大夫口吻可畏今考
是書內如林洪孫季蕃萬九萬諸人之詩並
在選中或即其時驚名者所刊以為應求標
榜之具亦陳思江湖小集之類也說者以卷

欽定四庫全書

詩家鼎鑪
提要

首有王惲姓名指為元之王秋澗遂謂此書

當出於元人不知元之王惲為汲縣人而此

書明題曰古汴王惲乃自開封南渡者署其

舊貫之詞宋時往往有此稱實與元時王惲

無涉秋澗集內亦並無此詩又書中尚有環

溪馬知節與宋史有傳之祥符馬知節亦同

姓名而非一人此更可以為證王惲之為宋

人固無足致疑者特其間家數太雜時代亦

欽定四庫全書

詩家鼎鑪

二

多顛倒失倫未能盡臻精核然哀輯既廣所

錄詩人具有專集流傳者什無一二今惟蘇

洞王邁章甫諸人幸於永樂大典中掇拾叢

殘遺稿復得重顯於世而其他別無表見者

尚多得是書以存其一斑於詩家考據之助

要不無小補焉乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀

詩家鼎鑪序

宋李江湖詩派以尤楊范陸為大家茲選均不及稍推

服紫芝石屏後村儀卿其餘人各一二詩止隘矣軀事

日感如處漏舟里巷之儒猶刊詩卷相傳誦且諸人姓

名有他書別無可考獨見之此編者存以徵晚宋故實

也倦叟

欽定四庫全書

詩家鼎鑪

一

欽定四庫全書

詩家鼎鑪卷上

古汴主簿

楊柳枝

密葉陰陰漢將營春風吹斷鼓鼙聲少年不說封侯事

柘彈銅丸落曉鶯

武夷劉褒伯寵

題旅舍

欽定四庫全書

詩家鼎鑪
卷上

去日春蠶吐雪絲歸時霜菊剝金衣沙鷗不入鴛鴦侶

依舊滄浪繞釣磯

溪翁劉淮叔通

平遠臺

海天漠漠水雲寬開到梨花正自寒却擁重裘上平遠

愁心十疊倚闌干

韓府

寶蓮山下韓家府鬱鬱沉沉深幾許主人一朝出漢塞

綠戶玄牆鎖風雨九世卿家一朝覆太師之誅魏公辱
後車不信有前車突兀眼前看此屋

山陰蘇洞名叟

金陵

朱雀街頭觀闕紅角門東畔是春風人家一樣垂楊柳

種入宮牆自不同

除夕呈主人

使節梅花外椒盤淚眼邊山川非故國笳鼓咽新年機

欽定四庫全書

詩家鼎鑪
卷上

事鷗偏覺家書雁不傳細籌今夕恨萬一故人憐

遠菴方士繇伯謨

崇安分水道中

溪流清淺路橫斜日暮牛羊自識家梅葉陰陰桃李盡

春光已到白桐花

穀城黃銖子厚

梅花

玉簫吹徹北樓寒野月崢嶸動萬山一夜霜清不成夢

起來春信滿人間

鐵笛亭

一聲蒼壁裂再奏蛟龍悲事往迹猶在山空人不歸

雲巖陳均平父

九江聞雁

烟波渺渺夢悠悠家在江南海盡頭音信稀疎兄弟隔
一聲新雁九江秋

澗谷羅椅子遠

欽定四庫全書

詩家鼎尚
卷上

三

吳江雪霽圖

天上清流雪片人間名勝吳松兩賢相厄已甚賴得斜
陽半峰

陳子予

秋思

柳岸風條頻老橘林露葉猶香門對一天秋色人行十
里斜陽

李士舉

竹枝辭

江上漁舟葉葉輕峽中雲雨晚涼生長亭宴罷客歸去
桂樹夕陽啼鳥聲

鄱陽章甫冠之

寄荆南故人

餘年自判一虛舟未害尋詩慰客愁梅欲飄零猶蘊藉
柳纔依約已風流關心弟妹無黃犬入夢江湖有白鷗
別後故人相念否春風應倚仲宣樓

欽定四庫全書

詩家鼎尚
卷上

四

括蒼鄭克已仁叔

旅中遇故人

雲薄清溪水天寒黃葉風鄉關三載別客路一尊同舊
事如昨日問年俱老翁相看今夕意淚冷菊花叢

送中書王舍人出使

細馬鏤金鞍文星使可汗袖中天詔重帳外節毛寒烽
火燕城急塵沙朔野寬安邊存大體何必斬樓蘭

章泉趙蕃昌甫

蔡李通挽詩

鵲叫春林復遞詩，雁回霜月忽傳悲。
蘭枯蕙死迷三楚，雨暗雲昏礙九疑。
早歲力辭公府檄，暮年名與黨人碑。
嗚呼季子延陵墓，不待饒詞行可知。

答施榮甫

昨韻村中行客稀，今吟臨水送將歸。
笑談未了風吹斷，何日重能款竹扉。

漫堂劉宰平園

欽定四庫全書

詩家鼎尚
卷上

五

乙酉述懷

水邊舟子競招招，陌上車塵晚更囂。
只有幽人無箇事，藕花深處弄輕橈。

天樂趙師秀紫芝

約客不來

黃梅時節家家雨，青草池塘處處蛙。
有約不來過夜半，閒敲棊子落燈花。

薛氏瓜廬

不作封侯念，悠然遠世紛。
唯應種瓜事，猶被讀書分。
野水多於地，春山半是雲。
吾生嫌已老，為圃未如君。

庵西

數里庵西路，東風去更吹。
稻寒生葉細，梅老作花遲。
小憩嫌無侶，曾遊憶有詩。
新螢光尚小，未暗出空池。

冷泉亭夜坐

衆境碧沉沉，前峰月正臨。
樓鐘晴聽響，池水夜觀深。
清淨非人世，虛空見佛心。
卻尋來處宿，風起古松林。

欽定四庫全書

詩家鼎尚
卷上

六

題陳待制與造化遊之樓

何處飛來縹緲中人，間惟有畫圖同。
兩層簾幕垂無地，一片笙簫起半空。
岸竹倒添秋水碧，渚蓮平接晚霞紅。
主人未達蒙莊旨，虛倚闌干面面風。

呈蔣薛二友

中夜清寒入縵袍，一杯山茗當香醪。
禽棲竹葉霜初下，人立梅花月正高。
無欲自然心似水，有營何止事如毛。
春來擬約蕭閒伴，同上天台看海濤。

十里

烏紗巾上是黃塵落日荒原更恐人竹裏怪禽啼似鬼
道旁枯木祭為神亦知遠役能添老無奈高眠不揀貧
此地到城惟十里明朝難得自由身

莆陽趙庚夫仲白

落魄

落魄蕉衫戴道冠菖蒲滿案浸清寒有錢即買丹沙鍊
無病猶將素問看連日遊山僧共住頻年乞米鶴同餐

欽定四庫全書

詩家鼎脩
卷上

七

世間不朽非鍾鼎曾與高人靜處觀

道中逢潛夫

相逢投草舍對雨話移時衣濕全無火囊空各有詩客
程樵可問日課僕皆知未別情先惡那堪遠別離

習氣

習氣年來已盡除一牕長是讀方書家因護竹厨無筍
住偶隣僧飯有蔬老去情懷多感舊貧來親故不如初
幾時深入青山隱木葉為衣穩跨驢

解林趙善扛文鼎

春辭

碧落初明月未收露華香滴杏梢頭玉闌干外東風暖
人在重雲第幾樓

兩山趙汝喤仁父

別朱子大蘇名叟

薄宦塵埃易滿襟問盟猶喜盍朋簪只今風月一杯酒
他日雲山千里心楊柳陰疎秋館靜芙蓉香冷暮江深

欽定四庫全書

詩家鼎脩
卷上

八

潮回一信西興渡為寄相思別後吟

送梅牕兄

離歌休再疊我亦不堪聞山接詩愁去雲隨別袂分官
閒寧問祿命薄謾能文悵望梅邊屋花開更憶君

山民徐照道暉

石門瀑布

一派從天下曾經李白看千年流不盡六月地常寒灑
水跳微沫衝崖作怒湍人家深碧處常有老龍盤

張端義正甫

挽周晉仙

策杖辭朋友形骸已可憐
無錢親藥裹冒雨上歸船
官竟生前棄詩應死後傳
空餘京洛月愁照夜臺邊

天台徐似道淵子

偶題

老去功名不掛懷
高眠之外只清齋
偶因種竹便多事

風葉掃餘還滿堦

欽定四庫全書

詩家鼎鑪
卷上

九

轉菴潘樞德久

釣臺

蟬冠未必似羊裘
出處當時已熟籌
但得諸公依日月
不妨老子卧林丘
英雄陳迹千年事
香火空山萬木秋
自笑黃塵吹鬢客
愛來祠下繫扁舟

鷺

銀潢何限鵲查查
看得橋成度寶車
如許風標無用處
年年分占水蒹花

西巖翁卷靈舒

寄遠

秋氣日淒清
秋衣殊未成
在家猶不樂
行路若為情
幾處看山色
暮天聞雁聲
思君有幽夢
夜夜出江城

野望

一天秋色冷晴灣
無數峰巒遠近間
自上山來看野水
却於水底見青山

龍洲劉過改之

欽定四庫全書

詩家鼎鑪
卷上

十

寄湖州趙侍郎

桑柘村村烟樹濃
新秋刺水荻梳風
舟行苕霅雙溪上
人在蘇杭兩郡中
鼓角麗聲喧旦暮
旌旗小隊間青紅
主人夙有神仙骨
合住水晶天上宮

送王簡卿歸天台

枚數人才難例指
有如公者又東歸
班行失士國輕重
道路不言心是非
載酒青山隨處飲
談詩玉麈為誰揮
歸期趁得東風早
莫放梅花一片飛

千巖萬壑天台路一日分為兩日程事可語人酬酢易
面無慚色去留輕放開筆下閒風月收歛胸中舊甲兵
世事看來忙不得百年到手是功名

月渚杜東晦之

山行

遠岫依依落照平林隱隱疎鐘獨跨蹇驢歸去梅花一
笑相逢

綠珠

欽定四庫全書

詩家鼎鑪
卷上

十一

以色危身豈不知甘心死別不生離樓前甲士紛如雪
正是花飛玉碎時

平山堂

平山堂下水雲重孤笛淒涼淡月中不見龍蛇飛素壁
只餘狐兔成離宮仙翁已逐風流盡世事俱隨夢幻空
廣武無人同此意慨然止有淚臨風

小山杜耒子野

寒夜

寒夜客來茶當酒竹爐湯沸火初紅尋常一樣牕前月
纔有梅花便不同

送吳太博赴蒲中

貴為五馬只儒酸都說先生大耐官去國十年雖已久
愛君一念不曾寒定知前輩如公少好與今人作樣看
歸日不須囊蓋改有書堪錄荔堪乾

巽齋危禎逢吉

送劉帥歸蜀

欽定四庫全書

詩家鼎鑪
卷上

十二

萬水朝東弱水西先生歸去老峨嵋人間那得樓千尺
望得峨嵋山見時

春日即事

春風翻隴潑濃綠花露滴枝黏老紅小立樓頭檢春事
一絲暖日墜青蟲

竹溪饒良輔昌朝

竹徑步月

素月流空天不夜清輝散入疎林下有幽人獨往來

杖藜縹緲誰能畫

乙山黃鑄亦顏

贅見洪師

風烟入暝少人行獨鶴來依帝子城華表柱頭霜月冷
清宵有夢到鐘聲

長樂鄭舜卿虞任

昭君曲

前輩作昭君曲其辭多後人追感昭君之事

欽定四庫全書

詩家典故
卷上

十三

而憐之耳未足以見當時馬上之情而寄其
隱悲也從當時之稱當日昭君曲

沙平草軟雲連綿臂弱不勝黃金鞭琵琶圍繞情如訴
妾心驟感君王憐自入昭陽宮過箭流芳年姪娥容華
貌如玉瑣腮粉黛添婢媚妾醜已自知羊車春草空芊
芊內中時時宣畫工分定愧死行金錢那知咫尺間筆
端變姝妍玉階銅砌呼上馬重瞳光射搔頭偏念此一
顧恩穹廬萬里寧無緣紫臺房櫳夢到曉日暮忍看征

鴻翩吞聲不敢哭哭聲應徹天但得君王知妾身應信

目前皆山川不必誅畫工此事古則然但願夕烽常不

驚甘泉妾身勝在君王前寄語幕南諸將軍虎頭燕領

食肉休籌邊自呼琵琶寫此曲有聲無調誰能傳

月湖何異同叔

一犁春雨圖

負郭先疇二頃餘飽看雨後著耕夫軟紅塵裏家山夢
却就君家閱畫圖

欽定四庫全書

詩家典故
卷上

十四

南州來梓子儀

子猷訪戴

四山如玉夜光浮一舸玻璃凝不流若使過門相見了
千年風致一時休

東溪許玠介之

漢宮春夜

虛輪絢采千門外牕眼滲光金箔碎渴龍滴水續銅壺
簷馬呼風搖玉佩宮車聲遠翠幌幽珠簾閒却珊瑚鉤

晉山兩點亦何有中鎖萬斛相思愁蜀羅蜜炬光明滅
紅淚難濺守宮血遙夜春寒聽曉鐘角聲滿地梨花雪
南豐曾極景建

寄蔡西山

四海朱夫子徵君獨典型青雲伯夷傳白首太玄經有
客憐孤憤無人問獨醒瑤琴空寶匣絃斷不堪聽

清涼寺李王寢殿基

秋葉春花迹已陳袞龍曾繞夢中身夷門金鼓從天下

欽定四庫全書

詩家典當
卷上

十五

驚起床頭射鼻人

行宮古龍屏風

乘雲遊霧過江東繪事當年小葉公可惜垂空千丈勢

剪裁今入小屏風

李顯卿

冬日山村

枯木扶疎夾道傍野梅倒影浸寒塘朝曦不到溪陰處

畱得橫橋一板霜

大梁張良臣武子

曉行

千山萬山星斗落一聲兩聲鐘磬清路入小橋和夢過
豆花深處草蟲鳴

葵牕周端臣彥良

內人燒香圖

花底燒香深閉門宮鴉棲了已黃昏君王未識無人妬
雖不承恩却感恩

欽定四庫全書

詩家典當
卷上

十六

早冬湖上

晴湖水落稻田乾白鳥飛來立晚寒楊柳不知秋已遠
尚搖疎翠拂闌干

劉寺墳園

萬竹蒼寒擁寺門寺牌金字御書存榮華肯信當年夢
儀制空畱後世恩影閣有燈塵網暗殯宮無月土花昏
見梅不敢輕攀折恐是春風水際魂

古斷腸曲

條風牕戶柳陰陰雲碧春衫護水沉花裏小欄人不
到
流鶯啼起去年心

依舊斜陽燕子樓共誰把酒話閒愁
韋娘去後西風老
爛漫黃花滿院秋

觀潮行

吳山越山相對青中有滾滾長江橫
長江誰道不曾改
年來一半沙填平潮生潮落何時了
萬古人間一昏曉
歲歲吳儂來看潮不知潮送吳儂老
酒樓笙歌喧醉耳

欽定四庫全書

詩家鼎鑪
卷上

十七

客帆翻覆雲濤裏悠悠哀樂永相忘
空江落日秋風起
竹園于草去非

春晚

舍南舍北草萋萋原上行人路欲迷
已是春寒仍禁火
棟花風急子規啼

花翁孫惟信李蕃

禪寂之所有賣花聲出廊廡間清婉動耳

曲巷深房憶帝州賣花庭宇最風流
牕紗破曉斜開扇

簾繡籠陰半上鉤少日喜拈春在手暮年羞戴雪盈頭
泉南寺裏蕭蕭雨婉婉一聲無限愁

東澗陳元鑑

金陵懷古

英雄戰守幾春秋虎踞龍蟠古石頭
北固只憑江水在
中原長對夕陽愁曹劉設有經營志
王謝空遺富貴羞
舉目便懷千古恨鳳凰臺上不須游

苔磯葉元素唐卿

欽定四庫全書

詩家鼎鑪
卷上

十八

自贊

心事茫然兩鬢斑十年空走利名關
算來只合苔磯坐
釣不得魚猶得閒

靖逸葉紹翁嗣宗

遊園不值

應嫌屐齒印蒼苔十叩柴門九不開
春色滿園闌不住
一枝紅杏出牆來

野蝶

銀為鬚翅玉為肌驅役春風不解肥桃李上林無分到
可憐只傍菜花飛

送馮濟川歸蜀

勇喚東吳萬里船皂囊來奏九重天一官豈為蘇洵冗
諸老寧容賈誼先滿載月歸應有命便耕雲去豈無田
竹枝歌罷蓬牕掩到此相思盍黯然

亦山鄭會有極

邱間壁

欽定四庫全書

詩家鼎鑪
卷上

十九

醑醺香夢怯春寒翠掩重簾燕子閒敲斷玉釵紅燭冷
計程應說到常山

天台丁木子植

次韻何安節撫機

送別邗江路梅花作暮愁關情何水部回首古揚州雁
影明寒水冰漸澁去舟想應今夜宿霜月滿瓜洲

白雲趙崇嶠

閨詞

恨殺庭前鵲難憑卜遠期朝朝來報喜誤妾畫雙眉

采蓮詞

別浦潮生花夢寒片紅飛下粉痕乾預知妾面如花面
泣向西風不忍看

四明潘嶼

客中九日

破帽西風急寒牕敗葉飛重陽今日是三徑幾時歸簷
上多黃菊門前少白衣吟情淡如水一雁叫斜暉

欽定四庫全書

詩家鼎鑪
卷上

二十

南康馮去非可遷

江上

清秋不可奈先自懶登樓一雁叫寒水數峰生遠愁乾
坤消劍氣江海笑詩流不解人間事眠鷗儘自由

寓居

身世漂流付等閒向來感慨鬢毛斑喚船載夢西興渡
借屋盛書北固山開到黃花風漸銳照殘清野月頻彎
江流送我東來了何日潮頭送我還

祈門道中

麥穎垂垂稻已秧好風晴日燕飛忙無人得似游絲懶
相逐秋千過粉牆

所思

雁自飛飛水自流西風不寄小銀鈎斜陽何處橫孤篴
十二闌干一樣愁

竹所趙崇滋

悼步月

欽定四庫全書

詩家典範
卷上

五

雁過妝樓人不見斷腸又是一黃昏不知天上嬋娟影
能照人間寂寞魂響屐廊深空認步啞茸牕暖尚留痕
合將一把香酥骨葬在平陽雲雨村

會稽陸叡景思

退宮人效項斯

破篴猶存舊賜香輕將魂夢別昭陽只知鏡裏春難駐
不信人間夜更長父母家貧容不得君王恩重死難忘
東風二月垂楊柳猶解飛花入苑牆

梅村倪龍輔唐輔

登樓有感

好趁西風理釣舟半生書劍兩悠悠憑高有恨無人識
空負關河萬里秋

宮怨

翠袖無香鏡有塵一枝花瘦不藏春十年不識君王面
始信嬋娟解誤人

遊齋陳叔堅堅甫

欽定四庫全書

詩家典範
卷上

五

送素上人遊方

不是無衣鉢師心酷愛山自言行脚好却厭住菴間野
水寒林外孤雲夕照間清遊何處寺須寄好碑還

三山黃深源益長

秋日寄懷友人

幾度裁書無雁休思君天濶水悠悠自從席上飛花後
又見江頭落木秋背壁一燈憐瘦影誰家雙杵動新愁
不知今夜西風裏人倚月明何處樓